

**NË GJYKATËN E QARKUT në Pejë**  
**Rasti P. Numër 580/10**  
**29 Shtator 2011**

**NË EMËR TË POPULLIT**

Gjyqtari Malcolm Simmons si gjyqtar kryesues me procesmbajtësin Joseph Hollerhead në rastin penal kundër Pashk Krasniqit (më poshtë "i pandehuri") i akuzuar në bazë të aktakuzës me Numër PP. 1644/09 e ngritur nga Prokurori Komunal në Pejë të datës 3 shtator 2009 dhe ndryshuar më 29 janar 2010 me veprën penale Dhënia e Deklaratës së Rrejshme sipas nenit 307 (1) të Kodit Penal të Kosovës, pas mbajtjes së procesit gjyqësor publik më 26 dhe 29 shtator 2011 në të cilat Znj. Alenka Sagmeister-Ranzinger u paraqit për Zyrën e Prokurorisë Komunale dhe në të cilat i pandehuri ishte i pranishëm por ishte i pa përfaqësuar, më 29 shtator 2011 mori dhe publikisht shpalli si në vijim këtë

**AKTGJYKIM**

I pandehuri Pashk Krasniqi, i biri i Zefit, lindur më 18 prill 1955, me vendbanim në fshatin Nepole, Komuna e Pejës, shqiptar, qytetar i Kosovës, është

**FAJTOR**

se me datën 24 prill 2009 kur është paraqitur si dëshmitar para Gjykatës së Qarkut në Pejë në rastin e Gjelosh Krasniqit, ai ka dhënë deklaratë të rrejshme në atë mënyrë që ai ka deklaruar se prej përfaqësimit nga ora 7pm më 24 mars 1999 deri përfaqësimit 6am më 25 mars 1999 Gjelosh Krasniqi kishte qenë me atë dhe me ushtarë tjerë të UÇK-së, në shtëpinë e tij, të Pashk Krasniqit, në fshatin Nepole edhe pse e ka ditur se nuk ishte e vërtetë.

Nga kjo arsye i pandehuri ka kryer veprën penale të Dhënies së Dëshmisë së rrejshme sipas nenit 307 (1) të Kodit Penal të Kosovës dhe

## **DËNOHET**

me një afat kohor prej 5 muajve burgim.

Në përputhje me nenin 102 (1) të Kodit të Procedurës Penale të Kosovës, i pandehuri i dytë duhet ti paguaj shpenzimet e procesit gjyqësor të cilat gjykata i vlerëson në shumën prej 50 (pesëdhjetë) euro. I pandehuri gjithashtu do të paguaj shumën e 50 (pesëdhjetë) eurove në lidhje me shumën e paushallit gjyqësor.

## **ARSYETIMI**

Aktakuza e parashtruar nga Zyra e Prokurorisë Komunale sipas numrit PP. 1644/09 të datës 3 shtator 2009 dhe e ndryshuar më 29 janar 2010, i akuzon nëntë të pandehur për Dhënie të Deklaratës së Rrejshme.

Më 14 korrik 2010, në bazë të nenit 34 të Kodit të Procedurës Penale të Kosovës (më poshtë "KPPK") kjo gjykatë e ka shkëputur rastin kundër Pren Kashnjeti, Mihill Pergega, Gjergj Quni and Pashk Krasniqi.

Në lidhje me Pren Kashnjeti, Mihill Pergega dhe Gjergj Quni, në bazë të nenit 326 (1) të KPPK-së, para fillimit të shqyrtimit kryesor, prokurori ka tërhequr propozim akuzën.

Ishte qëndrimi i prokurorisë se më 24 prill 2009 kur është paraqitur si dëshmitar para Gjykatës së Qarkut në Pejë në rastin e Gjelosh Krasniqit, i pandehuri ka dhënë deklaratë të rrejshme në atë mënyrë që ai ka deklaruar se prej përafërsisht nga ora 7pm më 24 mars 1999 deri përafërsisht 6am më 25 mars 1999 Gjelosh Krasniqi kishte qenë me atë dhe me ushtarë tjerë të UÇK-së, në shtëpinë e tij, të Pashk Krasniqit, në fshatin Nepole edhe pse e ka ditur se nuk ishte e vërtetë.

Nuk kontestohet se me datë 29 prill 2009 në lëndën numër 67/09 Gjelosh Krasniqi është dënuar nga një trup gjykues i gjykatës së qarkut në Pejë për krime lufte kundër popullatës civile, në kundërshtim me nenin 142 të Kodit Penal të FSRY, neni 3 dhe 147 i Konventës së 4 të Gjenevës,

neni 4 i Protokollit të II Shtesë të Konventave të Gjenevës, kryer në fshatin Doblbare në komunën e Gjakovës, me datë 24 mars 1999.

Ky aktgjykim ishte konfirmuar nga Gjykata Supreme e Kosovës më 14 qershor 2011 në rastin numër AP353/09.

Neni 307 (1) parasheh

*Një dëshmitar, dëshmitar ekspert, përkthyes i cili në procedurë gjyqësore, në procedurë për kundërvajtje, në procedurë administrative para noterit publik ose në procedurën disiplinore jep deklaratë të rreme dënohet me gjobë apo me burgim deri në një vit.*

Gjykata gjen se deklarata e rreme duhet të lidhet me një fakt material dhe dëshmitari ka ditur se deklarata ishte e rreme apo nuk kishte baza të arsyeshme për të besuar se deklarata ishte e vërtetë.

I pandehuri nuk kishte dhënë deklarata më parë.

Kur ai kishte dhënë dëshminë para gjykatës më 24 prill 2009, i pandehuri kishte deklaruar se natën e 24 marsit 2009, Gjelosh Krasniqi ishte duke punuar në kuzhinë. Ai ka dëshmuar se Gjelosh Krasniqi mund ta linte fshatin vetëm me lejen e tij. Ai ka dëshmuar se gjatë periudhës prej 20 marsit deri më 4 prill 1999 Glelosh Krasniqi nuk e kishte lenë fshatin. Ai ofroi një alibi për Gjelosh Krasniqin. Ishte qëndrimi i prokurorisë se alibia ishte e rrejshme.

I pandehuri ka dëshmuar më 24 prill 2009, se më 24 mars 1999, ai kishte organizuar rojat e fshatit. Ai dhe persona tjerë kishin shkuar në shtëpinë e tij për të festuar bombardimet e NATO-s. Ai tha se kishin qenë gjashtë persona në shtëpinë e tij në atë natë. Ata ishin Kole Krasniqi, Gjelosh Krasniqi, vëllai i tij Gjergji, Krist Krasniqi dhe një fqinj, Joze Ademi.

Ai ka dëshmuar se kishin qëndruar të zgjuar deri në ora 2am dhe në mëngjes ai kishte shkuar për të kontrolluar rojet. Ai tha Gjelosh Krasniqi dhe Kole Krasniqi kishin qenë së bashku me atë deri në ora 10am më 25 mars 1999.

Ai është marrë në kundër-pyetje më 24 prill 2009

**Prokurori Publik:** A mund te me ndihmoni qe te kuptoj një dokument te përgatitur nga Nënkoloneli Sali Lajqi? Ky dokument i dëshmon të dhënat e shërbimit të Gjelosh Krasniqit dhe ai dëshmon se ai ka qenë i caktuar në njësitin e fshatit Nepole ne cilësinë e ushtarit e jo te kuzhinierit qe nga data 16 qershor 1998 deri ne gusht apo shtator 1998 dhe pastaj ne Brigadën 132 Zeneli nga shtatori 1998 deri në qershor 1999 dhe ky dokument është i vulosur ne letrën me mbishkrimin e Shtabit Kryesor te TMK-se. A pajtoheni me këtë konfirmim te evidentuar nga procesverbali?

**Pashk Krasniqi:** Lokali nuk ka pasur brigada. Kjo ishte një luftë e bazuar në baza vullnetare dhe pas ofensivës me 2 gusht dhe 3 shtator ashtu siç e kam përmendur, marrëveshja në mes të Millosheviqit dhe Holbrook-ut, brigadat janë themeluar ne shtator.

**Kryetari i Trupit Gjykues:** Prokurori Publik po thotë se Gjelosh Krasniqi ishte duke shërbyer ne cilësinë e ushtarit e jo si kuzhinier, kjo ishte poenta e Prokurorit Publik, mirëpo sipas jush ai ishte vetëm kuzhinier dhe se arma iu ishte dhënë të vëllait te tij e jo atij. Kjo është pika qe duhet te qartësohet.

**Pashk Krasniqi:** Ne nuk kemi pasur makine shkrimi apo vula. Çdo gjë qe kishim ishte shkruar me dore kështu qe nuk kemi mbajte procesverbal me shkrim lidhur me çdo ushtar por vetëm komandanti dhe zëvendësi e bënte këtë. Ne nuk i kemi specifikuar funksionet e tyre.

**Prokurori Publik:** Po mundohem te kuptoj e ndoshta ju mund te sqaroni se a ka qëndruar Gjelosh Krasniqi pas 24 marsit dhe nen komandën e juaj?

**Pashk Krasniqi:** Po.

**Prokurori Publik:** A ishte Kole Krasniqi komandant?

**Pashk Krasniqi:** Ai ishte komandant i Shtabit Lokal deri kur shkoi ne Buqan rreth 27 ose 28. 26 ose 27 mars.

**Prokurori Publik:** Nëse do te lëshonte dikush postin pa

lejen e juaj a do ta raportoni këtë fakt?

**Pashk Krasniqi:** Po te ndodhte një gjë e tillë, por unë nuk kam pasur raste te tilla.

**Prokurori Publik:** Kemi dëgjuar se Gjelosh Krasniqi është zhdukur nga fshati Nepole pas 24 marsit dhe nuk është pare me.

**Pashk Krasniqi:** Nuk është e vërtetë; Gjelosh Krasniqi ishte ne Nepole deri ne fund te luftës. Si ka mund te zhduket Gjelosh Krasniqi kur ia varroseme vëllain me 24 prill dhe ai ka qene aty?

**Prokurori Publik:** A pajtoheni me pohimin se pas bombardimit me 24 mars kishte rene disiplina ne mesin e ushtareve ne Nepole?

**Pashk Krasniqi:** Nuk është e vërtetë.

**Prokurori Publik:** Do të doje t'ju pyesja lidhur me plagosjen e Gjelosh Krasniqit; sipas te të dhënave lidhur me shërbimin e tij qe ua tregova aty thuhet se ai ishte plagosur me 5 prill 1999 gjate luftimeve ne Jabllanice nga një predhe e granatës se hedhur. A ishit prezent ju gjate këtij luftimi?

**Pashk Krasniqi:** Jo.

**Prokurori Publik:** Kush e dërgoi këtë kuzhinier te paarmatosur dhe pa uniform ne beteje?

**Pashk Krasniqi:** Ofensiva e 3 dhe 4 prillit qe zhvillua ne hyrje te Nepoles, aty isha prezent por pas nja 10 orëve u largova nga fushe beteja dhe policia dhe forcat ushtarake hynë ne fushe dhe pjesa tjetër e popullatës shkoi ne kishe kurse unë e kam kaluar pjesën tjetër te ditës me vëllain e tij Gjergjin dhe Gjelosh Krasniqi shkoi ne Jabllanicë dhe te nesërmen dëgjova se Gjelosh Krasniqi ishte plagosur.

...

**Kryetari i Trupit Gjykues:** Ne dëshirojmë t'i kthehemi natës se 24shit. A ju kujtohet se çfarë kishte zier Gjelosh Krasniqi për darkë?

**Pashk Krasniqi:** Mish vici.

**Kryetari i Trupit Gjykses:** Ju thatë se ishin gjashte (6) apo shtate (7) njerëz.

**Pashk Krasniqi:** Gjashte (6).

**Kryetari i Trupit Gjykses:** Çfarë ishte mosha e te tjerëve? A ishin të rinj, të vjetër?

**Pashk Krasniqi:** Kola ishte me i vjetri. Joza ishte pak me i ri se Gjeloshi. Kristi ishte i lindur rreth 1965. Gjergji ishte i lindur ne 1965. Unë i kam shënuar vet te dhënat e tyre personale atëherë kur ishin ushtarë.

**Kryetari i Trupit Gjykses:** Pak a shume këto ishin moshat e njerëzve. Pastaj si shkoi me tutje? Deri ne orën sa ishte darka?

**Pashk Krasniqi:** Kur kemi një feste te këtillë ose një rast gazmor, darka ose ushqimi mundet me zgjate bukur gjate meqë ne vazhdonim te pinim alkool dhe hanim me ngadalë kështu që darka ka zgjate nja katër (4) ore.

**Kryetari i Trupit Gjykses:** Kur kishte filluar?

**Pashk Krasniqi:** Rreth orës 20.00 dhe ka zgjatur deri në mesnatë.

**Kryetari i Trupit Gjykses:** Ne ora sa jeni tubuar në shtëpi?

**Pashk Krasniqi:** Para orës 20.00.

**Kryetari i Trupit Gjykses:** A keni shkuar te gjithë se bashku në shtëpi?

**Pashk Krasniqi:** Po, të gjithë se bashku ne shtëpinë time.

**Kryetari i Trupit Gjykses:** A ishte Gjeloshi me ju?

**Pashk Krasniqi:** Po.

**Kryetari i Trupit Gjykses:** Ne ora sa keni filluar për të ngrenë?

**Pashk Krasniqi:** Pak para orës 20.00. Nuk mund te jem me i saktë.

**Kryetari i Trupit Gjykses:** Ju keni hyrë rreth orës 20.00 dhe keni filluar te ngrëni pothuaj ne te njëjtën kohe, ne orën 20.00.

**Pashk Krasniqi:** Kemi arritur ne shtëpinë time rreth orës 19.00. Nuk kemi filluar me darke menjëherë, por kemi filluar me raki e kafe.

**Kryetari i Trupit Gjykses:** Pse thatë para një minute se kishit arritur pak para orës 20.00 e kurse tash po thoni 19.00?

**Pashk Krasniqi:** 19.00, 20.00. Unë kam thënë para orës 20.00.

**Kryetari i Trupit Gjykses:** Kur jeni tubuar ne shtëpinë e juaj?

**Pashk Krasniqi:** Rreth orës 19.00.

**Kryetari i Trupit Gjykses:** Kur ka filluar darka?

**Pashk Krasniqi:** Kemi filluar te pimë rreth orës 20.00 kurse darka ka filluar me vone meqë mishi nuk mund te përgatitet brenda dy minutave.

**Kryetari i Trupit Gjykses:** Sa kohe me vone?

**Pashk Krasniqi:** Rreth 22.00.

**Kryetari i Trupit Gjykses:** Vetëm para një minute thatë se keni filluar te ngrëni pak para orës 20.00 kurse tash po thoni se darka ka filluar ne orën 22.00. Si është e mundur qe ekziston një mospërputhje kaq e madhe?

**Pashk Krasniqi:** Ne jemi ulur dhe kemi filluar te pimë raki dhe kafe dhe te hamë meze dhe ne këtë e konsiderojmë darkë prej atij momenti.

...

**Pashk Krasniqi:** Shqiptaret shpëtoheshin. Ishim me disponim te mire dhe ngelim edhe dy ore deri ne orën 02.00 dhe pastaj shkuam qe te çlodhemi pak dhe te flemë ne shtëpi deri ne mëngjes.

**Kryetari i Trupit Gjykses:** Ku e bëtë këtë pushim?

**Pashk Krasniqi:** Ne te tre pushuam ne kuzhine kurse ata tre te tjerët shkuan ne një dhomë tjetër, te cilën e quaj dhome te mysafireve.

**Kryetari i Trupit Gjykses:** Kush shkoi ne atë dhome tjetër?

**Pashk Krasniqi:** Gjergji, Kola dhe Kristi.

**Kryetari i Trupit Gjykses:** Derisa ju, Gjeloshi dhe një person tjetër ishit duke pushuar ne kuzhine?

**Pashk Krasniqi:** Po.

**Kryetari i Trupit Gjykses:** Çfarë po mendoni me fjalën pushim, a e keni fjalën për fjetje?

**Pashk Krasniqi:** Po, ishim duke fjetur.

**Kryetari i Trupit Gjykses:** Sa kohe keni fjetur?

**Pashk Krasniqi:** Deri rreth orës 06.00 ne mëngjes.

**Kryetari i Trupit Gjykses:** Jo dy (2) ore por katër (4) ore.

**Pashk Krasniqi:** Përafërsisht katër (4) ore, prej orës dy (2) deri ne orën gjashte (06.00).

**Kryetari i Trupit Gjykses:** A keni fjetur?

**Pashk Krasniqi:** Po.

**Kryetari i Trupit Gjykses:** Pra nuk mund te tregoni se çfarë ishte Gjeloshi duke bere ne atë kohe?

**Pashk Krasniqi:** Gjeloshi ka rene ne gjumë apo pushonte ne te njëjtën kohe si unë.

**Kryetari i Trupit Gjykses:** Nëse ishim duke fjetur, ju nuk mund te tregoni se çfarë ishte ai duke bere. Ndoshta ishte zgjuar por nëse e dini këtë na tregoni.

**Pashk Krasniqi:** Ai ne asnjë mënyrë nuk ka mund te ketë gene i zgjuar. Nuk kishim gjumë te rende gjate luftës.

**Kryetari i Trupit Gjykses:** Si mund te thoni se ka mundur te zgjohet kur po thoni se keni fjetur katër (4) ore te tera?

**Pashk Krasniqi:** Unë do ta dëgjoja hapjen e derës dhe unë i kisha dy qen ne kopshtin tim kështu qe nuk do te mund te dilte nga shtëpia.

**Kryetari i Trupit Gjykses:** Ky është vetëm një supozim i juaji dhe si dëshmitar ju nuk mund te supozoni. Ju mund t'i referoheni vetëm asaj qe keni pare dhe dëgjuar. Nuk jeni këtu për te bere supozime. Ju keni fjetur katër (4) ore te tera.

**Pashk Krasniqi:** Po.

**Kryetari i Trupit Gjykses:** Pra, tash jemi ne orën 06.00 ne datën 25.

**Pashk Krasniqi:** Po.

**Kryetari i Trupit Gjykses:** Çfarë ndodhi?

**Pashk Krasniqi:** Kur u zgjuam ne mëngjes, i kemi lare duart dhe fytyrat tona. Shkuam ne fshat për t'i vështruar rojet. Ne i filluam aktivitetet e përditshme.

**Kryetari i Trupit Gjykses:** Ju te gjithë apo vetëm disa prej juve?

**Pashk Krasniqi:** Ne te gjithë.

**Kryetari i Trupit Gjykses:** A ishte Kole Krasniqi i pranishëm gjate këtyre aktiviteteteve te kryera nga ky grup i njerëzve?

**Pashk Krasniqi:** Po.

**Kryetari i Trupit Gjykses:** Dhe pastaj? Te gjithë shkuat për te pare se çfarë bënë rojet, po ashtu edhe Gjeloshi ishte i pranishëm.

**Pashk Krasniqi:** Ai erdhi me ne në fshat. Unë shkova bashke me Kristin për t'i vështruar rojet dhe u ktheva pas 20 minutave dhe iu bashkëngjita përsëri.

**Kryetari i Trupit Gjykses:** Çfarë ndodhi me ata tre tjerë,

Kolen dhe ata dy tjerë?

**Pashk Krasniqi:** Kola dhe ata dy tjerë qëndruan ne fshat.

**Kryetari i Trupit Gjykses:** Sa për te qene të qartë. Pas orës gjashte (06.00) u pastruat dhe pastaj ju te gjithë te gjashtit shkuat për te pare se çfarë bënin rojet. Pastaj grupi ndahet ne dysh ne mes te fshatit.

**Pashk Krasniqi:** Nja 20 minuta.

...

**Kryetari i Trupit Gjykses:** Të flasim pra lidhur me Gjeloshin. Te gjithë se bashku jeni në fshat, ky grupi i përbëre prej gjashte (6) personave. Pastaj Kola e merr urdhëron për te shkuar ne Buqan dhe ai shkon ne shtëpinë e tij. Si qëndron puna me ata pese (5) te tjerë?

**Pashk Krasniqi:** Ne kishim detyrat tona për t'i kryer. Ishim te informuar se 2000 njerëz kishin ardhur ne Kralan nga Drenica dhe ne duhej te shkonim atje për t'i vendosur neper shtëpi.

**Kryetari i Trupit Gjykses:** Shkuat te gjithë atje apo jo?

**Pashk Krasniqi:** Po.

**Kryetari i Trupit Gjykses:** Po ashtu edhe Gjelosh Krasniqi?

**Pashk Krasniqi:** Po, ai e voziste traktorin.

**Kryetari i Trupit Gjykses:** Dhe pastaj?

**Pashk Krasniqi:** Pastaj, i sollëm ata ne fshat ne Gllogjan dhe ne Llugaxhi ku disa nga familjet kishin nga 90 anëtarë ne mesin e tyre edhe Gjeloshi me te vëllain e tij. Vlen te përmendet se ne ato dite një grua e vjetër... (dëshmitari ndërpritet)

**Kryetari i Trupit Gjykses:** Nuk jemi duke u marre me luftën por me një krim te luftës gjë qe është diçka tjetër. Si ishte Kole Krasniqi si komandant? A kërkonte qe te informohej lidhur me lëvizjet e ushtareve te tij? Për shembull, nëse një ushtar do te largohej nga fshati pa e informuar atë, a ishte kjo sjellje e pranueshme apo jo?

**Pashk Krasniqi:** Si komandant ishte i mire, mirëpo nuk ishte detyre e komandantit qe te merrej me te gjithë ushtarët dhe për këtë arsye, unë isha aty meqë ai kishte detyra për t' mi përcjellë, detyrat e dhëna nga ana e Komandantit te Zonës dhe Komandantit te Brigadës.

**Kryetari i Trupit Gjykses:** A donte te informohej apo jo?

**Pashk Krasniqi:** Unë e informoja lidhur me çdo rast.

**Kryetari i Trupit Gjykses:** Pra, donte qe te informohej?

**Pashk Krasniqi:** Natyrisht.

**Kryetari i Trupit Gjykses:** Nëse nuk do ta informonit lidhur me një fakt te tille a do te hidhërohej apo jo?

**Pashk Krasniqi:** Natyrisht, po.

**Kryetari i Trupit Gjykses:** Nëse kjo do te kishte ndodhe ne mëngjesin e 25shit, a do ishte hidhëruar apo jo?

**Pashk Krasniqi:** Çfarë te kishte ndodhë?

**Kryetari i Trupit Gjykses:** Nëse ndonjë ushtar i tij te kishte braktise fshatin pa ju informuar?

**Pashk Krasniqi:** Ai do te me kishte dënuar mua se pari e pastaj natyrisht edhe ushtarin.

**Kryetari i Trupit Gjykses:** Ai ishte një komandant shume i ashpër?

**Pashk Krasniqi:** Një njeri shume i sinqertë.

**Kryetari i Trupit Gjykses:** Ishte i ashpër apo jo?

**Pashk Krasniqi:** Ishte i ashpër.

**Kryetari i Trupit Gjykses:** Lidhur me këtë çështjen e largimit nga fshati pa leje, a ishte i ashpër apo jo?

**Pashk Krasniqi:** Po.

**Kryetari i Trupit Gjykses:** Pra, ai kurrë nuk do te kishte lejuar një gjë te tille.

**Pashk Krasniqi:** Jo.

**Kryetari i Trupit Gjykses:** Edhe pse kjo ishte ne mëngjesin e 25shit pas bombardimit te NATO-s?

**Pashk Krasniqi:** Jo.

**Kryetari i Trupit Gjykses:** Ai ishte i ashpër edhe pse ishte ky mëngjesi i 25shit?

**Pashk Krasniqi:** Po.

**Kryetari i Trupit Gjykses:** Ju thatë se Kole Krasniqi ishte një person shume i singertë.

**Pashk Krasniqi:** Po.

**Kryetari i Trupit Gjykses:** Për t'ua bere ketë me dije, këtu para gjyqit, Prokurorit Publik, Mbrojtjes dhe te pandehurit, ai ka thënë se nuk e kishte me gajle dhe se Gjelosh Krasniqin nuk e kishte pare qe nga data 25 dhe se nuk ishte informuar fare lidhur me largimin e tij nga fshati. Vetëm me ua be këtë me dije. Këto ishin orët e hershme te mëngjesit te datës 25.

**Pashk Krasniqi:** Unë nuk di se çka ka deklaruar Kole Krasniqi.

...

**Kryetari i Trupit Gjykses:** Më 24 mars, si ishte veshur?

**Pashk Krasniqi:** A ishte veshur me rroba civile me 24 mars meqë nuk kishim uniforma te mjaftueshme. Gjithsejtë i kemi pasur 17 uniforma.

**Kryetari i Trupit Gjykses:** Gjate darkës, çfarë rrobash kishte veshur?

**Pashk Krasniqi:** Ai e kishte veshur përparësen e kuzhinierit.

**Kryetari i Trupit Gjykses:** Sa ishte e gjate kjo përparëse?

**Pashk Krasniqi:** Deri ne gjunjë.

**Kryetari i Trupit Gjykses:** A ju kujtohet ngjyra?

**Pashk Krasniqi:** E bardhe.

**Kryetari i Trupit Gjykses:** A kishte xhepa kjo përparëse?

**Pashk Krasniqi:** Dy xhepa ne pjesën e përparme.

**Kryetari i Trupit Gjykses:** A ju kujtohet se çfarë këpucësh kishte mbathur?

**Pashk Krasniqi:** Këpucë te ngjyrës zeze e te mbyllte.

**Kryetari i Trupit Gjykses:** A ishin ato çizme apo këpucë?

**Pashk Krasniqi:** Këpucë.

**Kryetari i Trupit Gjykses:** A ju kujtohet ngjyra e pantallonave te tija?

**Pashk Krasniqi:** Jo.

**Kryetari i Trupit Gjykses:** Po ju kujtohet ne mënyrë te përsosur se kishte këpucë te zeza te errëta para 10 vjetëve. Komplimentet e mia, ju jeni një njeri brilant.

**Pashk Krasniqi:** Memorien e kam bukur te forte pasi qe unë i kam 11 fëmijë dhe nipa.

**Kryetari i Trupit Gjykses:** Ndoshta mund te na tregoni ngjyrën e këmishës se tij.

**Pashk Krasniqi:** Ishte pakëz ndryshe nga ngjyra e përparëses.

**Kryetari i Trupit Gjykses:** A kishte njolla ne përparësen apo jo?

**Pashk Krasniqi:** Jo.<sup>1</sup>

...

**Prokurori Publik:** Ca pyetje te bazuara ne dokumentin e përkthyer, te cilin tani e lexova. Jam duke shikuar raportin ditor për datën 23 mars 1999. Ndoshta ai mundet me

---

<sup>1</sup> Ekstrakt nga Procesverbali Shqyrtimit Kryesor të datës 24.4.2009, faqet 31, 32.

shikua ne versionin e tij. Ne përkthim thotë se kishte lëvizje te armikut nga Dollova ku kishte shume bombardime te NATO-se.

Dëshmitari shikon ne dokumentin origjinal.

**Pashk Krasniqi:** Kishte lëvizja nga Dollova për shkak te frikës nga bombardimet e NATO-se edhe pse bombardimi kishte filluar me herët por ato ishin te pritura.

**Prokurori Publik:** Besoj se keni deklaruar me herët se Dollova mbahej nga policia dhe paramilitaret serb, a është e vërtetë?

**Pashk Krasniqi:** Po.

**Prokurori Publik:** Kjo ishte 4 kilometra nga Napolja.

**Pashk Krasniqi:** Po.

**Prokurori Publik:** Duke shikuar ne raportin ditor te datës 24 mars e lexova përkthimin ne vijim: "Roja ishte ne nivel te aksionit dhe ishte shtuar sepse armiku kishte shume lëvizje nga Dollova. Patëm shtua rojet për shkak te aktiviteteve ne Dollove."A është e vërtetë?

**Pashk Krasniqi:** Po.

**Prokurori Publik:** Nëse e kuptoj situatën ushtarake, ne po presim bombardimin e NATO-se me 24 dhe ne jemi vetëm 4 kilometra nga Napolja. E kemi një rajon te kontrolluar nga serbet dhe plot paramilitare serb.

**Pashk Krasniqi:** Fshati Nepole e ka lartësinë mbi detare me te larte se Dollova. Ne i kemi vendos rojet tona ne hyrje për te vështruar rajonin.

**Prokurori Publik:** Është e drejtë me thënë se ishin shtuar masat e sigurisë për shkak te situatës.

**Pashk Krasniqi:** Po.

**Prokurori Publik:** A mund te ketë gabuar Kole Krasniqi kur ka thënë se ne natën e 24shit nuk ka pasur roje fare?

**Pashk Krasniqi:** Kole Krasniqi nuk është marrë me roje.

...

**Prokurori Publik:** Gratë dhe fëmijët ishin vendosur ne kishe ne natën e 24 marsit, a është e vërtetë?

**Pashk Krasniqi:** Po.

**Prokurori publik:** Pse?

**Pashk Krasniqi:** Sepse priteshin bombardimet e NATO-se dhe Serbia hakmerrej duke na sulmuar neve.

**Prokurori Publik:** Nata ne mes 24 dhe 25shit ishte shume e rrezikshme, posaçërisht ne fshatin Nepole, a është e vërtetë?

**Pashk Krasniqi:** Po.

**Prokurori Publik:** Ju keni vendose atë natë qe te festoni dhe te pini raki. Nuk kam pyetje tjera.

...

**Kryetari i Trupit Gjykses:** Është çudi qe njerëzit janë tubuar ne kishe nëse keni pasur frikë nga bombardimi kurse ju ishit duke festuar ne shtëpi ne te njëjtin fshat. A mund te na shpjegoni këtë?

**Pashk Krasniqi:** Ne nuk kemi pasur festë, ne jemi tubuar qe te dëgjojmë lajmet kurse sa i përket njerëzve qe ishin ne kishë, prifti dhe murgeshat kujdeseshin për ta e jo për ne..

...

**Kryetari i Trupit Gjykses:** Ju thatë se ishit duke pirez raki.

**Pashk Krasniqi:** Po.

**Kryetari i Trupit Gjykses:** A ishte ndonjëri prej jush i dehur apo jo?

**Pashk Krasniqi:** Jo.

**Kryetari i Trupit Gjykses:** Te gjithë ishit te kthjellet?

**Pashk Krasniqi:** Po.

**Kryetari i Trupit Gjykses:** Përsëri, Kole Krasniqi na ka treguar se te gjithë njerëzit ne shtëpi ishin te dehur dhe posaçërisht ai tha se ai vet ishte i dehur.

**Pashk Krasniqi:** Një person mund te pije një gote raki dhe te thotë se është i dehur. Policia do t'ju dënonte. Unë nuk e di kufirin.

**Ferdinando Bautier de Mongeot:** Mëqenëse e keni pare atë ne atë nate, a ishte Kole Krasniqi i dehur apo jo?

**Pashk Krasniqi:** Nuk kam vu re.

#### **Vlerësimi i dëshmive**

I pandehuri nuk ka dëshmuar para kësaj gjykate, përveç për të deklaruar se dëshmia e tij para gjykatës më 24 prill 2009 ishte e vërtetë.

I pandehuri ka dëshmuar se më 24 mars 1999, ai dhe pjesëtarë tjerë të njësitit të tij ishin mbledhur për darkë për afërsisht në ora 7pm. Ata kishin pirë raki. Ushqimi ishte shërbyer për afërsisht në ora 10pm. Ishte dëshmia e dëshmitarëve se më 24 prill 2009 se Gjelo Krasniqi kishte qenë personi përgjegjës për përgatitjen e darkës.

Dëshmitarët për prokurorinë dëshmitë e tyre të mëparshme ishin sjellë para trupit gjykses gjatë gjykimit të Gjelo Krasniqit, bashkë me ushtarët tjerë të UÇK-së kishin qenë në fshatin Doblibare, Komuna e Gjakovës, në natën në fjalë në atë kohë dëshmitari ka dëshmuar se ai kishte qenë në fshatin Nepole.

I pandehuri ka dëshmuar se pas darkës grupi kishte qenë i zgjuar duke festuar deri në ora 2am të mëngjesit të ardhshëm. Kjo ka qenë në kundërshtim me dëshminë e Kole Krasniqit i cili ka dëshmuar se grupi ka qëndruar zgjuar duke festuar deri në ora 7am të mëngjesit të ditës tjetër.

I pandehuri ka dëshmuar ata ishin zgjuar për afërsisht rreth orës 6am dhe pastaj ka shkuar për ta kontrolluar rojën. Ai tha Gjelo Krasniqi dhe Kole Krasniqi ishin të pranishëm. Ai tha se kishte shkuar me Krist Krasniqin për ta

kontrolluar rojën, duke e lënë Gjeloš Krasniqin dhe Kole Krasniqin në fshat. Ai dëshmoi se ata u kthyen për t'ju bashkuar Gjeloš Krasniqit dhe Kole Krasniqit përafërsisht 20 minuta më vonë. Kjo ishte në kundërshtim me dëshminë e Kole Krasniqit i cili tha se Gjeloš Krasniqi u zhduk gjatë natës dhe ai nuk e ka parë atë përsëri.

I pandehuri dëshmoi se Gjeloš Krasniqi nuk kishte të veshur uniformë në natën e 24 marsit 1999. Kjo dëshmi ishte në kundërshtim me dëshmitarët e prokurorisë të cilët në dëshminë e tyre të mëhershme kishin përkthyer Gjeloš Krasniqin të kishte qenë në uniformë.

Në dëshminë e tij më 24 prill 2009, i pandehuri provoi ta portretizon Gjeloš Krasniqin si një njeri të thjeshtë si një kuzhinier i thjeshtë. Ai nuk ishte asgjë më shumë sesa kaq. I pandehuri ishte në kundërshtim edhe me dëshmitarët e prokurorisë edhe me të mbrojtjes, duke përfshirë Kole Krasniqin, mbi ngjarje të rëndësishme dhe shpjegimet e tij ishin thjeshtë të papërshtatshme.

Më 29 prill 2009 në rastin me numër 67/09 Gjeloš Krasniqi ishte dënuar nga Gjykata e Qarkut në Pejë për Krime të Luftës kundër popullatës civile, në kundërshtim me nenin 142 të Kodit Penal të FSRY, neni 3 dhe 147 i Konventës së 4 të Gjenevës, neni 4 i Protokollit të II Shtesë të Konventave të Gjenevës, kryer në fshatin Doblibare në komunën e Gjakovës, me datë 24 mars 1999. Ky aktgjykim ishte konfirmuar nga Gjykata Supreme më 14 qershor 2011.

Në disa materiale të rëndësishme lidhur me dëshminë e të pandehurit para gjykatës më 24 prill 2009 ishte në kundërshtim me dëshmitarët edhe të prokurorisë edhe të mbrojtjes. Dëshmia e të pandehurit ishte një gënjeshtër, e trilluar për të siguruar një alibi të rrejshme për Gjeloš Krasniqin.

Trupi gjykues konstaton se i pandehuri ka dhënë deklaratë të rrejshme kur ai ka dëshmuar para gjykatës më 24 prill 2009, në këtë mënyrë ka kryer veprën penale në shkelje të nenit 307 (1) të Kodit Penal të Kosovës.

I pandehuri është bujk, i martuar dhe ka 11 fëmijë. Katër nga këta fëmijë janë të moshës së mitur. Ai e ka përkthyer gjendjen e tij financiare si të "varfër". Ai ka treguar se ai është mbajtësi i vetëm i familjes së tij. Megjithatë, fëmijët e tij të rritur e ndihmojnë, me gjasë rreth punëve

rreth fermës. Ai ka katër vajza, disa nga ato janë të martuara. I pandehuri nuk kishte qenë i gjykuar më parë. Një dënim me burg mund të ketë ndikim shkatërrues në të gjithë familjen e jo vetëm mbi të pandehurin kundër të cilit është caktuar dënimi. Megjithatë, kjo i përshtatët të gjithë atyre që kryejnë veprat penale për ta shqyrtuar ndikimin e çfarëdo dënimi me burg që do të ketë mbi vartësi e tyre. Dëshmia e rrejshme është një vepre penale serioze. Në këtë rast i pandehuri ka ofruar një alibi të rrejshme. Dëshmia e tij është e përgatitur qartë për ta ndryshuar rrjedhën e drejtësisë, dhe si e tillë, minon gjithë sistemin e drejtësisë. I vetmi dënim i duhur është dënimi me burg. Në këto rrethana të këtij rasti unë kam qëndruar pranë dënimit me afat burgimi minimal që unë e konsideroj të përshtatshëm.

Duke pasur parasysh të gjitha rrethanat e këtij rasti, trupi gjykues është i siguruar që dënimet janë të arsyeshme dhe proporcionale.

Në bazë të arsyeve të përmendura këtu, në këtë mënyrë unë lëshoj këtë aktgjykim.

Me datë 29 shtator 2011.



Gjyqtari Malcolm Simmons  
Kryetar i Trupit Gjykues

Joseph Hollerhead  
Procesmbajtës

**KËSHILLË JURIDIKE:** Në bazë të nenit 398(1) të Kodit të Procedurës Penale të Kosovës, personat e autorizuar mund të paraqesin ankesë kundër këtij aktgjykimi brenda pesëmbëdhjetë (15) ditëve nga data e pranimit të aktgjykimit.